

# Un proxecto de futuro ESCOLA DEPORTIVA DE FUTBOL do CD BOIRO



Vivimos nun tempo onde a formación dos nosos cativos estase a trasladar –“xustificado” por múltiples e dispares causas- a entornos especializados. O entorno familiar foi mudando co tempo, do mesmo xeito que o social, no que interactuamos e interactúan os nosos fillos. Non debemos esquecer que o noso contorno ten uns condicionantes ben definidos, que están a marcar os derroteiros na formación dos nosos rapaces. E desde esa reflexión, algúns consideramos que estes non son os máis axeitados para un desenvolvemento eficaz na sociedade.

O proxecto da Escola Deportiva de fútbol xurde desde a dirección do CD Boiro coa vontade de mellorar e potenciar as categorías base do club desde unha órbita específica. Supón un grande reto de mellora integral da formación de tódolos nenos (arredor de 200), de tódalas categorías do club (benxamíns, alevíns, infantís, cadetes e subvenís), e na organización de toda a entidade deportiva; pero consideramos que este cambio é necesario, e por tal motivo puxémonos no camiño. Non se debe perder de vista que o obxectivo que a directiva, e moi especialmente o presidente Ramón Hermo, pretende é formar máis e mellores futbolistas para o primeiro equipo, pero non desexa descoidar o camiño. Tanto os rapaces que teñan unha evolución deportiva favorable como os que non, merecen o noso respecto, e desexamos comprometermos a desenvolver unha formación máis acorde con eles. Os nosos obxectivos estarán ligados aos dos pais, representados a través dunha APA que velará pola transparencia deste proxecto. Eles coñecerán as nosas inxedanzas e nós coñeceremos as de cada quen. Co fin de implementar estas melloras contratarase a persoal cualificado, para poder, así, cumprir os distintos obxectivos propostos (desenvolvemento no currículo da escola). Tamén se adquirirá material deportivo e precisará unha mellor organización a tódolos niveis.

A nosa idea busca conquistar a formación íntegra destes alumnos, desenvolvendo tódalas súas capacidades físico-deportivas, mentais e sociais; contribuíndo, deste xeito, a unha formación integral axeitada para a nosa capacidade, e creando unha cultura deportiva nos nosos rapaces, digna e imitable. O marco desta Escola sitúase na que ven chamada a ser a educación non formal de todo o sistema educativo; é dicir, naquela actividade organizada, sistemática, educativa (intencional e permanente), que realizada fora do marco do sistema escolar, facilita determinadas clases de aprendizaxe e tenta resolver necesidades educativas non resoltas pola educación escolar ou formal. O obxectivo principal é formar deportistas, e que o deporte sexa un medio de mellora persoal.

*Daniel Vázquez Dieste*  
*Diplomado en Educación Física*  
*Coordinador da EDM Barraña (CD Boiro)*



# O desenvolvemento do fútbol boirense



Dun tempo a esta parte, o deporte en Boiro sufriu importantes cambios, incrementándose tanto o número de especialidades practicadas como o de clubs e asociacións, e, por suposto, a cantidade de practicantes. Neste artigo imos centrarnos no fútbol, chamado o “deporte rei”, non por consideralo o máis importante, senón por ser o que ten maior número de participantes. De seguido, facemos unha breve análise da situación actual.

Eu aínda son moi novo para poder facer un profundo estudio da vida do fútbol no noso Concello dende un punto de vista experiencial, pero sí para describir a súa evolución de vintecinco anos a esta parte. Neste sentido, lémbrome que cando eu empecei a xogar, con once anos, o único club do Concello que contaba con categorías inferiores (agora chamadas “fútbol base”) era o CD Boiro. Equipos senior xa había algúns, como o Sporting Lampón ou o Cabo de Cruz. Non lembro se algún máis. Co paso dos anos, fóronse formando outros equipos como o Galicia Bealo, os desaparecidos Cespón e Macenda, o Abanqueiro e, xa hai moi pouquiño, o Cures. Dende hai uns cinco ou sete anos, o número de equipos de fútbol de base tamén foi medrando considerablemente, e, consecuentemente, as súas licencias, podendo hoxe dicir que Boiro conta con moi boa saúde futbolística. En moi poucos anos creáronse novos clubs de veteranos, dende aquel pioneiro “Oasis”. Agora contamos con representantes en cada unha das categorías: Redesyl e J. Sampedro en División de Honra; M. Guadalupe, en Primeira División; Automi-Boiro e Karachi en Segunda División, e H. Triñanes en Terceira División. En canto a equipos dependentes das competicións organizadas pola Federación Galega de Fútbol, son tamén bastante numero-

sos. En Rexional Preferente: CD Boiro; en Segunda Regional, SD Valiño-Cabo de Cruz e Sp. Lampón; en Terceira Regional, Abanqueiro SD, Galicia Bealo e SD Cures. En categoría Xuvenil: Abanqueiro SD, CD Boiro e Sp. Lampón. En categoría Cadete: Abanqueiro SD, CD Boiro “A” e CD Boiro “B”. En categoría Infantil: Abanqueiro SD, CD Boiro “A”, CD Boiro “B” e S.D. Valiño-Cabo de Cruz. En categoría Alevín: Abanqueiro SD, EFM. Barraña, CD Boiro, Sp. Lampón e SD Valiño-Cabo de Cruz. En categoría Benxamín: Abanqueiro SD, EFM Barraña, Sp. Lampón e SD Valiño-Cabo de Cruz. En fútbol feminino, na categoría senior: CD Boiro.

Por outro lado, na primeira edición do campeonato comarcal de fútbol base en sala, organizado polo Departamento de Deportes do Concello de Boiro, para a categoría pre-benxamín, os equipos locais que participaron foron: Abanqueiro SD, CD Boiro e SD Valiño-Cabo de Cruz.

En total, polo tanto, contamos no Concello cuns 35 equipos competindo nas distintas categorías e, calculando a unha media de entre 15 e 20 licencias por equipo, danos un total duns 500/700 participantes federados.

¡E que siga medrando!

*José Manuel Vilas Silva*  
*Secretario do Abanqueiro SD*



Torneo fútbol pre-benxamín. Vista Alegre

# A oferta deportiva municipal



O Concello de Boiro canaliza a súa oferta deportiva a través do Departamento de Deportes, un servizo que xestiona actualmente tres programas: Escolas Deportivas Municipais, Veráns Deportivos e Quencefrío. Aparte, desenvolve numerosas actividades que, de xeito esporádico, se presentan ao longo do ano (competicións, cursos de formación, viaxes, etc.).

## Escolas Deportivas Municipais

É o pilar básico da programación municipal, tendo como principal obxectivo a educación e formación a través do deporte e a actividade física. Outros obxectivos son, por exemplo, mellorar a calidade de vida dos participantes (especialmente, no referido ás clases para xubilados e discapacitados), ou apoiar aos clubs locais a través da promoción do deporte base. A primeira edición das Escolas Deportivas Municipais remóntase á tempada 92/93, cunha limitada oferta (130 prazas), destinada a mozos e mozas de idades comprendidas entre os 10 e os 18 anos, nas especialidades de balonmán, atletismo, voleibol, remo e tenis. Loxicamente, o presuposto era tamén moi modesto: 337.000 pts (2.035,41 euros). Na actualidade, cando se cumpre a XII edición, estas cifras superáanse con folgora, tanto no relativo á oferta de especialidades, como á participación e presuposto. Os datos do programa 2003/2004 amosan unha participación de 1.096 inscritos, de idades comprendidas entre os 3 e os 82 anos, distribuídos entre as 24 especialidades propostas. O presuposto foi de 36.823,99 euros.

## Veráns Deportivos

Sendo o programa dos meses de verán, procúrase aproveitar ao máximo as condicións climatolóxicas da estación, realizando actividades na praia, auga, aire libre, etc. A principal diferenza respecto ás Escolas Deportivas radica en que as actividades do verán teñen unha orientación máis lúdica e recreativa. Púxose en funcionamento por primeira vez en 1994, coa oferta de 10 actividades, participando unhas 690 persoas. O presuposto daquela edición ascendía a 1.491.000 pts. (8.961,09 euros). Cun presuposto de 18.335,52 euros, e máis de 40 actividades na edición 2004, superáronse as 2.200 inscricións. Ademais de cursiños, campus, xornadas, torneos, ..., inclúense probas de alto nivel, como a Bandeira Concello de Boiro de traíneiras, que conta con presuposto propio, e nos dous últimos anos fixose coincidir coa proba da liga ACT.



Campus baloncesto Fundación Breogán. Agosto 04

## Quencefrío

Éste é o máis recente dos programas organizados polo Servizo de Deportes, pois data da tempada 97/98. As 5 actividades que o conformaban naquela ocasión acolleron a unhas 200 persoas, sendo o seu presuposto de 401.760 pts. (2.414,63 euros). A VII edición de Quencefrío, levada a cabo a tempada pasada, tivo un presuposto de 4.696 euros, e incluíndo 24 actividades, nas que se superaron as 1.000 inscricións. Ao igual que Veráns Deportivos, trátase dun programa no que se prima especialmente o aspecto lúdico, e se aproveitan as condicións climatolóxicas da estación invernal para ofertar, entre outras, actividades como cursiños de esquí, rafting, rotas BTT, etc...

Estamos a falar, pois, de que ao longo do ano a área de deportes do Concello está a ofertar máis dun cento de actividades, nas que persoas de tódalas idades e condicións poden participar. Se á programación municipal se lle engade a dos clubs e entidades, hai que concluir que a oferta deportiva boirense, coas súas eivas e carencias, está moi aceptablemente cuberta.




Aberto Internacional de Xadrez Arco-Concello de Boiro



Educación Física de Base

## OPINIÓN: A situación actual do deporte no municipio de Boiro



*Ricardo Riveiro Núñez*  
*Presidente do Club Ciclista Barbanza*

Boiro é unha poboación na que se desenvolve unha gran actividade deportiva que, medra, posiblemente, a un ritmo maior do que permiten os medios e instalacións dispoñibles. Practícanse gran variedade de deportes, sobresaíndo, como en tódalas partes, o fútbol e o fútbol-sala; pero existindo bastantes máis modalidades, que fan de Boiro un pobo con moitas opcións para o que queira introducirse, ou introducir aos seus fillos, neste apaixonante mundo. Á hora de elixir, os problemas estriban na facilidade ou dificultade da súa práctica, así como dos medios e instalacións existentes. Por exemplo, tratándose de fútbol ou, mellor aínda, de fútbol-sala, baloncesto, tenis e algún máis, o único problema dos pais plantearíase á hora de realizar a inscrición, que houbera prazas suficientes. Mentras, noutras modalidades deportivas, como remo ou piraguismo, aínda que nun momento determinado teñan un ximnasio ou alguna instalación na que adestrar, só o mal tempo no mar impediría a súa práctica. Claro que, a todo isto, hai algún outro deporte, ciclismo por exemplo, que, aparte de non dispoñer de local propio nin para ter unha simple reunión, dependen non soamente do bo tempo, senón tamén de que os conductores – só algúns deles, a Deus grazas-, se atopen de “bo humor”. A este respecto, creo que se debera estudar un xeito de reunir nun espazo apropiado un centro deportivo no que, ademais de atender outras demandas en canto a infraestrutura deportiva, tamén coubera o ciclismo. Ideas non faltan. No Concello, en dúas ocasións, presentamos idea e plano. A pena foi que soamente nolo pediron en época de eleccións. Aínda así, témolo a disposición de quen teña interés.

*Juan N. Suárez Lijó*  
*Presidente do Club Voleibol Cabo de Cruz*

Requíreseme para que opine sobre a saúde do deporte no noso Concello; e a este respecto habería que definir, en primeiro lugar, o que entendemos por saúde do deporte, e despois aplicalo a segundo cal sexa o plano da realidade deportiva do Concello. Cando falamos da saúde do deporte, ou o saudable do deporte, non nos referimos, evidentemente, a que o deporte nos aporte unha vida máis ou menos san e equilibrada, senón á situación da vida deportiva do Concello, as entidades, a súa xestión, promoción e actividades. E a este respecto atopámonos con dous planos totalmente dispares da realidade deportiva. Dispares, sí, aínda que semelle contradictorio, pois ambos planos camiñan por dous sendeiros totalmente distintos. En primeiro lugar, atopámonos co plano institucional, onde o deporte posee unha cara relativamente saudable, aplicando a relatividade aos intereses políticos ou partidistas. O labor do departamento de deportes, incluso coas súas lagoas e erros, é máis que encomiable, conseguindo algo moi importante, como é que os intereses da institución, que son os de deporte en xeral do Concello, esté por enriba das banderías políticas.

Onde o deporte está enfermo é no referente a sí mesmo e á súa filosofía de competitividade. Ao longo dos meus oito anos á fronte do Club de Voleibol, amén de outras entidades, poiden comprobar como un grupo de xente máis ou menos entregada tivo que nadar contra corrente en este proceloso mar do noso deporte local. Evidentemente, refírome á xestión privada e particular de cada club. Competimos entre nós mesmos, pisándonos o terreo en canto a conseguir os mellores patrocinadores, as mellores instalacións,... chegando, incluso, a enfrentarnos no terreo deportivo con malas artes, querendo gañar os partidos nos despachos en vez de nos terreos de xogo. Isto é unha verdadeira escola de supervivencia. Nun Concello onde practicamente cada parroquia posee o seu propio equipo de fútbol, onde os deportes minoritarios multiplícanse por doquier: voleibol, baloncesto, xadrez, deportes de contacto, ciclismo, motociclismo, piragüismo, remo, bicicleta de montaña, etc ..., a presión económica exercida sobre empresas e casas comerciais é tal, que a carreira por conseguir os mellores patrocinadores convértese en punto capital do éxito ou fracaso da tempada. Necesitamos, polo tanto, unha nova filosofía, para que salamos todos beneficiados, de unión e achegamento entre todos para postular, deste xeito, a mellor oferta aos patrocinadores. En vez de isto, o único que facemos é alonxarnos máis, escondendo os nosos logros particulares aos demais e traballando ás súas costas. Así, o único que faremos será fundir un labor continuado, de dez ou quince anos, onde se promoveu e proliferou a vida deportiva do Concello de Boiro.





*Benigno Silva Sánchez  
Licenciado en Educación Física  
Adestrador e directivo do Club de Remo Cabo de Cruz*

Debemos diferenciar o deporte: actividade física regulamentada e planificada para conquistar un rendemento, e a actividade física practicada como terapia, prevención ou mantemento. Este último apartado tivo un importante crecemento na súa oferta e un número de practicantes crecente auspiciado pola iniciativa municipal.

No referente aos clubs, o panorama merece unha pequena reflexión. Pioneiros da práctica deportiva, atopámonos nunha situación confusa e sen definir; seguimos cun sistema arcaico-romántico baseado no voluntarismo de boas intencións duns cantos; sen planificación e carente de obxectivos claros; con estruturas técnico-deportivas pouco ou nada profesionalizadas; monitores mal pagados e sen contrato; directivos que se senten impotentes e renuncian ou acaban queimados; subvencións estancadas; excesiva burocracia .... ; que define o seguinte cadro:

- Clubs debilitados, sen confianza para pelexar por acceder a un nivel deportivo superior.
- Aumento do número de practicantes, e, con todo, malos resultados deportivos e poucos deportistas de nivel.
- Directivas sobrepasadas, "queimadas" ou desilusionadas.
- Falta de unidade de criterio entre clubs: imos por libre.
- Estructuras técnico-deportivas non profesionais: monitores, entrenadores mal pagados e sen contrato, polo tanto, voluble e sen continuidade, ...

Estamos, pois, ante unha situación difícilmente sostible, ante a que hai que tomar medidas con decisión. Debemos dar pasos importantes, como mínimo, para:

- Crear estruturas técnico-deportivas estables, con profesionais cualificados que garantan a continuidade, a planificación e unha formación axeitada ás idades dos deportistas para que alivien a responsabilidade e a carga de directivos e voluntarios. Polo que sería fundamental:

\* Actualiza-los orzamentos para:

- \*Garantir a contratación dun cadro mínimo de preparadores.
- \*Alivia-la importante carga nos gastos de desprazamento a competicións a todos os clubs.

\* Propor un convenio empresas-Concello para a creación dunha "fundación deportiva" que:

- \*Realice un labor de mecenado a talentos deportivos.
- \*Apoie iniciativas de nivel e/ou de indudable representación local.

- Promover a creación dun foro de debate, no que directivos se xuntan con quen corresponda, unha ou dúas veces ao ano, para analizar, valorar, detectar deficiencias, ..., e propor a orientación ou reorientación dos recursos para o deporte local.

Os clubs contan cun capital humano impagable, pero non podemos obviar que o mundo actual discorre por uns parámetros económicos dos que é moi difícil escaparse, non podendo limitarnos a homenaxes e recoñecementos puntuais. A sociedade debe responder axeitamente a un labor que todos consideramos importante ... ¿Ou non?



De todos son coñecidos os beneficios que reporta practicar exercicio de forma regular. Con todo, estes beneficios vólvense aínda máis evidentes e necesarios no caso das persoas maiores, xa que se atopan nunha etapa da vida na que algunhas das funcións fisiolóxicas e psicolóxicas poden verse diminuídas.

Nas persoas de idade avanzada o exercicio moderado, xunto cunha adecuada alimentación, constitúen dous piares fundamentais para a prevención e, no seu caso, o tratamento de moitas enfermidades. O exercicio físico nos maiores non só retrasa os procesos fisiolóxicos do envellecemento, senón que tamén contribúe a aumentala actividade cerebral, estimulando as funcións psicolóxicas e as capacidades cognitivas, e a mellora-la calidade do descanso, regulando os periodos de sono.

En numerosos estudos clínicos demostrouse que a práctica de exercicio moderado produce cambios positivos no metabolismo, como unha redución dos niveis de glucosa e triglicéridos no sangue, ou un aumento do colesterol-HDL (coñecido como colesterol "bo"). De forma máis xeral, podemos sinalar os principais beneficios do exercicio físico para os maiores: diminúe o risco de sufrir problemas cardiovasculares, incrementa a capacidade funcional, mellora a forza e a coordinación muscular, eleva o sentimento de autosuficiencia e autoestima, e facilita as relacións sociais polo taballo en grupo.

Polo xeral, os exercicios de tipo aeróbico son os máis indicados, podendo organizarse en forma de actividades moi variadas, sempre adaptadas ás características das persoas aos que van dirixidos. É conveniente repartir as actividades físicas en períodos cortos, intercalando momentos de descanso. Débese intentar estimular a confianza e a complicidade dos anciáns para que interpreten este tipo de actividades non só como algo necesario, senón tamén como un periodo de entretenemento, evitando que se transforme en algo aburrido e obrigado.

Cómpre sinalar a importancia de que estas actividades se realicen baixo a indicación e a supervisión de profesionais cualificados – fisioterapeutas médicos, titulados en Educación Física, ... - , ben se trate de exercicio en persoas sans, ou ben, con máis razón aínda, cando se trate de persoas con algunha enfermidade.

A miña profesión de fisioterapeuta lévame moi a miúdo a tratar con persoas maiores, e na maioría dos casos a práctica de exercicio moderado estaría indicado e aportaría interesantes beneficios. Por todo o exposto anteriormente, aproveito para animar a tódolos nosos maiores a inscribirse nas diferentes actividades que se lles ofrecen. Asimesmo, ánimoos a que o fagan con plena confianza en que non suporán ningún risco para a súa saúde, e que, con toda seguridade, os resultados serán moi satisfactorios.

*Celso Cespón Piñeiro*  
*Fisioterapeuta*



# BALANCE DEPORTIVO DOS CLUBES

## tempada 2003-04



CLUB DE REMO CABO DE CRUZ	
<b>Bateis</b>	
- Infantil / cadete feminino	- Campión galego, 4º de España.
- Xuvenil / senior feminino	- Campión galego, campión de España.
- Xuvenil masculino	- 3º galego, 4º de España.
<b>Traíneiriñas</b>	
- Xuvenil masculino	- 4º galego.
- Senior masculino	- 3º galego, 4º de España.
<b>Traíneiras</b>	
- Campionato Galego	- Subcampión.
- Campionato de España	- Subcampión e mellor club galego.
- Liga ACT	- 6º posto final e mellor club galego.
<b>Banco Móbil</b>	
- Eva Val del Río	<ul style="list-style-type: none"> <li>- 1ª campionato galego 1 x SF.</li> <li>- 1ª campionato galego 2 x SF.</li> <li>- 8ª na 1ª copa do Rei 1 x SF.</li> <li>- 4ª na 2ª copa do Rei 2 x SF.</li> <li>- 9ª na 2ª copa do Rei 1 x SF.</li> <li>- 5ª na 2ª copa do Rei 5 x SF.</li> <li>- 4ª no campionato de España 1 x SF.</li> <li>- 3ª no campionato de España 2 x SF.</li> <li>- 3ª no campionato do mundo sub 23 de Poznan en 2 x SF pl.</li> <li>- 4ª na regata internacional de Disburg en 4 x SF pl.</li> <li>- 5ª na regata internacional de Disburg en 2 x SF pl.</li> </ul>
- Esmeralda Santos Maceiras	<ul style="list-style-type: none"> <li>- 1ª campionato galego 2 x SF.</li> <li>- 2ª campionato galego 1 x SF.</li> <li>- 3ª no campionato de España 1 x SF.</li> <li>- 3ª no campionato de España 2 x SF.</li> <li>- 8ª na 1ª copa do Rei 1 x SF.</li> <li>- 4ª na 1ª copa do Rei 2 x SF.</li> <li>- 7ª na 2ª copa do Rei 1 x SF.</li> <li>- 5ª na 2ª copa do Rei 2 x SF.</li> <li>- 15ª no campionato do mundo senior absoluto en 1 x SF pl.</li> <li>- 4ª na regata internacional de Disburg en 4 x SF pl.</li> <li>- 5ª na regata internacional de Disburg en 2 x SF pl.</li> </ul>
- Alberto Hermo Álvarez	<ul style="list-style-type: none"> <li>- 1º na 1ª copa do Rei 8+ JM.</li> <li>- 2º na 1ª copa do Rei 4- JM.</li> <li>- 2º na 2ª copa do Rei 8+ JM.</li> <li>- 2º na 2ª copa do Rei 4- JM.</li> <li>- 1º no campionato galego 2 x JM.</li> <li>- 3º no campionato de España 2 x JM.</li> <li>- 6º na regata internacional Fisa Team Cup.</li> <li>- 16º no campionato do mundo xuvenil.</li> </ul>
- Jesús Silva Vidal	<ul style="list-style-type: none"> <li>- 1º na 1ª copa do Rei 8+ JM.</li> <li>- 2º na 1ª copa do Rei 4- JM.</li> <li>- 2º na 2ª copa do Rei 8+ JM.</li> <li>- 2º na 2ª copa do Rei 4- JM.</li> <li>- 1º no campionato galego 2 x JM.</li> <li>- 3º no campionato de España 2 x JM.</li> </ul>

**CLUB CICLISTA BARBANZA****Ciclo-Cross**

- Biviana González Freire.	- 3ª no campionato galego na categoría ELITE.
- Cadetes.	- Dous 5º posto, tres 7º posto, dous 10º posto. - Participación de seis corredores nas probas de ciclo-cross.
- Xuveniles.	- Dous 7º posto, tres 8º posto, dous 12º posto e dous 14º posto.
- José Castro.	- Campión de Galicia. - Gañador de seis das oito probas da categoría de ciclodeportistas.
- Uxío Rial.	- Participou en BTT-RALLIE acadando un primeiro en dous terceiros postos ademais do campionato de Galicia da especialidade. - 16º no campionato de España.

**En estrada**

-Biviana González Freire.	- Acadou un 1º e un 3º posto nos campionatos de Galicia na categoría ELITE.
- Principiantes.	- Dous 2º posto, un 3º posto, catro 4º posto, un 5º posto, tres 6º posto, dous 7º posto, dous 8º posto e dous 9º posto.
- Alevíns.	- Cinco 2º posto, catro 3º posto, un 4º posto, catro 5º posto, un 7º posto e tres 10º posto.
- Infantiles.	- Un 3º posto, un 7º posto, un 8º posto e dous 10º posto.
- Cadetes.	- Dous 1º posto, dous 2º posto, tres 3º posto, tres 6º posto, dous 8º posto e un 10º posto.
- Xuveniles.	- Dous 3º posto, dous 5º posto, un 6º posto, un 8º posto, dous 10º posto e ademais acadaron o 4º posto por equipos na volta a Biscaia.
- José Luis Mariño Castro.	- Subcampión galego cadete.
- Miguel Loureiro Piñeiro.	- Subcampión galego xuvenil.
- Biviana González Freire.	- 3ª na categoría ELITE.

**CLUB DE FÚTBOL SPORTING DE LAMPÓN**

- Equipo senior: 2ª división rexional.	- 11º posto.
- Equipo feminino: Liga autonómica.	- 2º posto. Xogaron promoción de ascenso.
- Xuveniles: Liga comarcal.	- 15º posto.
- Benxamíns: Liga comarcal.	- 4º posto.

**CLUB DE FÚTBOL ABANQUEIRO SD**

- Equipo senior: 3ª división rexional.	- 15º posto.
- Xuveniles: Liga comarcal.	- 9º posto.
- Cadetes: Liga comarcal.	- 6º posto.
- Infantiles: Liga comarcal.	- 11º posto.
- Alevíns: Liga comarcal.	- 10º posto.
- Benxamíns: Liga comarcal.	- 5º posto.
- Prebenxamíns: Liga comarcal.	- 5º posto.

**CLUB DE FÚTBOL SD VALIÑO - CABO DE CRUZ**

- Equipo senior: 2ª división rexional.	- 12º posto.
- Xuveniles: Liga comarcal.	- 11º posto.
- Infantiles: Liga comarcal.	- 6º posto.
- Alevíns: Liga comarcal.	- 6º posto.
- Benxamíns: Liga comarcal.	- 1º posto.
- Prebenxamíns: Liga comarcal.	- 1º posto.

**CLUB DE FÚTBOL GALICIA DE BEALO**


- 3ª división rexional.	- 12º posto.
-------------------------	--------------

**CLUB DE FÚTBOL CD BOIRO**

- Equipo senior: Regional preferente.	- 8º posto.
- Equipo senior: 3ª división rexional.	- 8º posto.
- Xuveniles: Liga comarcal.	- 5º posto.
- Cadetes: Liga comarcal.	- 2º posto.
- Infantiles: Liga comarcal.	- 2º posto.
- Alevíns: Liga comarcal.	- 9º posto.
- Benxamíns: Liga comarcal.	- 7º posto.
- Prebenxamíns: Liga comarcal.	- 4º posto.

**EFM Barraña**

- Cadetes: Liga comarcal.	- 9º posto.
- Infantiles: Liga comarcal.	- 13º posto.
- Alevíns: Liga comarcal.	- 14º posto.
- Benxamíns: Liga comarcal.	- 2º posto.



**CLUB DE FÚTBOL CURES CF**

- 3ª división rexional.

- 3º posto.

**CLUB VOLEIBOL CABO DA CRUZ**

- Liga autonómica. Categoría xuvenil feminina.

- Xogou a fase de permanencia conseguindo manterse na categoría.

**CLUB BALONCESTO SANTA BAIA**

- Equipo infantil feminino.

- 11º posto na Liga.  
- Na Copa, 7º posto.

- Equipo infantil masculino.

- 8º posto na Liga.  
- Na Copa, 8º posto.

- Equipo xuvenil masculino.

- 5º posto na Liga.  
- Na Copa, 3º posto.

- Equipo cadete feminino.

- 5º posto na Liga.

- Equipo cadete masculino.

- 2º posto na Liga.

**CLUB PIRAGÜISMO MORCEGO**1. Fase autonómica.  
- 47 clubes participantes.- XVII Copa Xunta de Galicia, Memorial Jacinto Regueira: 18º posto.  
- IX Gran Premio de Promoción: 15º posto.  
- IX Gran Premio de Pista de Galicia: 19º posto.  
- XI Gran Premio de Ríos e Travesías: 21º posto.  
- Liga provincial A Coruña: 9º posto.2. Fase nacional.  
- 179 clubes participantes.

- III Liga nacional de piragüismo Hernando Calleja: 40º posto.

*Medallas acadadas durante a tempada:*- Control Galego de Inverno.  
- Ascenso - descenso do río Verdugo - Vilaboa.  
- Travesía da ría de Outes.  
- Travesía da ría de Betanzos.  
- Campionato galego.- Prata en k-1 cadete 5.000 metros.  
- Bronce en k-2 cadete 10.000 metros.  
- Prata en cadete k-1 14.000 metros e bronce en cadete k-2 14.000 metros.  
- Prata en k-2 cadete 10.000 metros.  
- Bronce en cadete k-1 1.000 metros.  
- Prata en cadete k-4 1.000 metros.  
- Bronce en cadete k-1 500 metros.  
- Prata en cadete k-4 500 metros.  
- Bronce en cadete C-4 500 metros.  
- Medalla de bronce en cadete k-1 500 metros.

- Regata nacional de pista de 500 metros.

**CLUB TAEKWONDO SUH SPORT COMPETICIÓN**

- Campionato Copa Federación; fase provincial (Noia).

- 1º clasificado.

- Campionato Copa Federación; fase autonómica (Vigo).

- 1º clasificado.

- Campionato cadete promesas (Vilalba).

- 1º clasificado.

- Campionato galego promesas Cidade de Riveira.

- 3º clasificado.

- Campionato galego sub-21 masculino.

- 1º equipo clasificado.

- Campionato galego sub-21 feminino.

- 1º equipo clasificado.

- Campionato galego sub-21 absoluto.

- 1º equipo clasificado.

- Campionato infantil internacional de Valencia.

- 2º equipo clasificado.

- Campionato internacional Cidade de Pontevedra.

- 1º equipo clasificado.

- Campionato galego senior masculino.

- 1º equipo clasificado.

- Campionato galego senior feminino.

- 1º equipo clasificado.

- Campionato galego senior absoluto.

- 1º equipo clasificado.

- Copa Federación de técnica infantil e adultos (Boiro).

- 1º equipo clasificado infantil e 1º clasif. senior masc. e fem.

- Campionato galego sub-21 (Pontevedra).

- 1º equipo masculino clasificado / 2º equipo clasif. na xeral.

- Ismael Amor Vidal.

- Campión Galego sub-21 peso minimosca.  
- Subcampión de España sub-21.  
- Campión galego senior peso minimosca.

- Alejandro Carreño Pérez.

- Daniel Torrado García.

- Beatriz Pérez Outeiral.

- Rebeca Mariño Torrado.

- Campión galego sub-21 peso mosca.  
- Subcampión galego senior peso mosca.

- Campión galego sub-21 peso super lixeiro.  
- Subcampión galego senior peso lixeiro.

- Campiona galega sub-21 peso pluma.  
- Subcampiona galega senior peso pluma.  
- Campiona galega universitaria peso pluma.

- Campiona galega sub-21 peso mosca.  
- Subcampiona de España sub-21.  
- Campiona Internacional peso mosca (Valencia).  
- Campiona galega senior peso mosca.  
- Subcampiona de España senior (Ciudad Real).  
- 4º posto no campionato internacional de Holanda, formando parte do equipo nacional.  
- Campiona galega universitaria peso mosca.  
- Campiona de España universitaria peso mosca.

#### CLUB DE XADREZ XAQUE MATO II

- Óptica Barraña, 3ª División, grupo D da Liga Galega de Xadrez.

- Óptica Barraña B, 4ª División, grupo C da Liga Galega de Xadrez.

- Deporte Escolar, Zona do Barbanza e Costa da Morte.

- 5º posto.

- 2º posto.

- Equipo feminino, 1º posto (categoría benxamín).  
- Equipo masculino, 2º posto (categoría benxamín).  
- Na categoría mixta participaron dous equipos ocupando o 2º e 4º posto.

#### CLUB DE TENIS BOIROMAR

- José Ageitos Sanmartín.  
- Participación na Liga Zonal en categ. masculina e feminina.

- Gañador do Torneo de Reis de Ribeira. Ocupa o posto 966 no ranking nacional e o posto 78 no ranking regional.

#### CLUB DE FÚTBOL DE VETERANOS OASIS BOIRO

- División de Honra da Liga de Fútbol da Agrupación de Veteranos de Santiago.

- Subcampión.

#### CLUB DE FÚTBOL DE VETERANOS DE LAMPÓN

- 1ª División da Liga de Fútbol da Agrupación de Veteranos de Santiago.

- 4º posto.

#### CLUB DE FÚTBOL DE VETERANOS TRANSPORTES TRIÑANES

- 2ª División da Liga de Fútbol da Agrupación de Veteranos de Santiago.

- 11º posto.

#### CLUB DE FÚTBOL DE VETERANOS JUAN SAMPEDRO GRUPO INMOBILIARIO

- 1ª División da Liga de Fútbol da Agrupación de Veteranos de Santiago.

- 2º posto. Xogaron promoción de ascenso acadando subir á división de honra.

#### CLUB DE FÚTBOL DE VETERANOS RECAMBIOS BARBANZA-AUTOMI

- 3ª División da Liga de Fútbol da Agrupación de Veteranos de Santiago.

- 1º posto acadando o ascenso á 2ª división de veteranos.

#### CLUB DE FÚTBOL DE VETERANOS KARACHI RÍAS BAIXAS

- 3ª División da Liga de Fútbol da Agrupación de Veteranos de Santiago.

- 7º posto.

## AGRADECEMENTOS

Son moitos os colectivos que colaboran no desenvolvemento do deporte no noso municipio, e merecen, por tal motivo, o recoñecemento do Concello. Algúns, prestan a súa colaboración esporádicamente, na realización de eventos que sen o seu concurso difícil sería levar a cabo. Estamos a falar do traballo realizado pola Garda Civil, Policía Municipal, Cruz Vermella e, sobre todo, Protección Civil. Complicado sería, tamén, difundir as diferentes programacións e actividades sen contar co apoio de medios de comunicación, como Barbanza Radio, Telesalnés, Diario de Arousa e La Voz de Galicia. Ou que os clubs levaran a cabo o sempre difícil labor de equilibrar presupostos sen a axuda dos seus asociados e de moitas empresas, que, cada unha na medida das súas posibilidades, están colaborando na financiación do deporte. Queremos destacar, igualmente, a total disposición do IES Espiñeira á hora de ceder o seu ximnasio para a celebración das actividades para persoas con discapacidades que organiza o departamento municipal de deportes. Vaía tamén o noso recoñecemento para a colaboración prestada polos médicos de familia do Centro de Saúde do Saltiño na promoción da actividade física entre o colectivo da terceira idade; pois moito teñen que ver os seus consellos para que arredor de 150 persoas estén inscritas actualmente nos programas municipais para xubilados.

Pero, sobre todo, o maior recoñecemento ten que ser, en xustiza, para os clubs, para os seus directivos e adestradores, como principais motores do deporte no noso, municipio. En definitiva, os que sacrificando tempo libre e, ás veces, a súa propia economía, posibilitan que os nosos mozos e mozas, nós mesmos e o conxunto da sociedade, poidamos recibir tódolos beneficios que o deporte e a actividade física reportan. Ogallá Boiro nunca se vexa privado do seu inmenso, desinteresado e nunca bastante valorado traballo, porque, sen dúbida, a nosa calidade de vida íase resentir. Especialmente para eles, vaia, pois, o noso sincero agradecemento.

